



List Saveza lovačkih društava Tuzlanskog kantona

# Lovac

Broj 96

Tuzla, decembar/prosinac 2022.

Cijena 1,00 KM

*Sretna Nova 2023.*







# Lovac

List Saveza lovačkih društava  
Tuzlanskog kantona

Izlazi tromjesečno

Izdavač:  
Upravni odbor Saveza lovačkih društava  
Tuzlanskog kantona

Za izdavača:  
Mensur Alić,  
predsjednik UO SLD TK

Redakcija lista "Lovac":  
Jusuf Selmanović (Kalesija)  
Siniša Vareškić (Tuzla)  
Damir Abdulahović (Banovići)  
Nusret Kamenjaković (Zivinice)  
Elvir Garibović (Sapna)  
Edin Taletović (Srebrenik)  
Miralem Džedović (Gradačac)  
Hajrudin Imširović (Teočak)  
Senad Selimbašić (Kladanj)  
Džemal Jukan (Gračanica)  
Denijal Fajić (Lukavac)  
Kemal Bratić (Doboj-Istok)  
Faruk Mehanović (Čelić)

Glavni i odgovorni urednik:  
Mensur Alić

Urednik i lektor:  
Prof. Mirzet Ibrišimović

Stručni saradnik:  
Selver Pirić

Fotoliti:  
B Concept Sarajevo

Priprema i štampa:  
"Mikroštampa" Tuzla

Za štampariju:  
Šaban Cipurković

Adresa redakcije "Lovac"  
Tuzla, Džindić mahala 13.  
Tel./fax: 035/258-004  
Web site: www.lovaclk.com  
E-mail: info@lovaclk.com

Račun kod Tuzlanske banke d.d. Tuzla  
132-100-03092192-27

Na osnovu mišljenja Ministarstva  
za obrazovanje, nauku, kulturu, sport  
i informisanje Vlade TK broj  
10/1-452-25-2/98 od 28. 08. 1998. god.,  
list „Lovac“ oslobođen je dijela  
poreza na promet

# MONOGRAFIJA

## 25. godina Saveza lovačkih društava Tuzlanskog kantona

U izdanju Saveza lovačkih društava TK, u okviru tradicionalne manifestacije Dani Saveza SLD TK, u novembru je publikovana **Monografija 25. godina Saveza lovačkih društava Tuzlanskog kantona**. Monografiju čine tri cjeline. Prva cjelina, odnosno uvodni dio, svojevrsan je predgovor aktuelnog predsjednika SLD TK, Alić Mensura, koji obuhvata osnivanje i početak rada Saveza, značajna metodološka postignuća, filozofiju modernog lovstva, probleme s kojima se Savez suočavao i rješavao, kao i osvrt na aktuelno stanje i planove SLD TK, kao izuzetno organizovanog segmenta društva koji njeguje sport, jača privredu i ekologiju, na temeljima afirmisanja ljepote prirode našeg kraja i lovnog turizma. Druga cjelina je Hronologija rada u 25. godina postojanja Saveza lovačkih društava Tuzlanskog kantona. Hronologija, kao historijski osvrt na 25. godina postojanja i uspješnog rada Saveza, hronološki sveobuhvata osnivanje, dešavanja u vezi s početkom rada, razvoj Saveza, načine i uslove djelovanja, bitne radnje i preduzimanja odgovornih i svih da bi Savez stasao i ponosio se unapređivanjem lovstva, podizanjem ekološke svijesti i zaštitom divljači i prirode. Sve je praćeno adekvatnim fotografijama i arhivskim dokumentima. Treću cjelinu Monografije čini 13 priloga svih članica Saveza, koji su

bazirani na specifičnostima osnivanja i rada lovačkih društava (kao njihova svojevrsna „lična karta“) koja čine Savez. Njihov način organizovanja i rada je dat hronološki i potkrijepljen fotografijama, odnosno svako društvo se osvrće na broj svojih sekcija, prostor djelovanja, lovište, stanište, lovnu divljač koja kod njih preovladava, kapacitete i vrstu rada na zaštiti, uzgoju i selektivnom odstrjelu divljači, trofejima, prihrani, izgradnji lovnotehničkih, lovnouzogojnih objekata, općenito na razvoj lovstva.

Potrebno je iz predgovora predsjednika SLD TK istaknuti sljedeće; „Nesumnjiv kvalitet Saveza je i u dvadesetpetogodišnjem iskustvu prehrane i prihrane divljači, redukcijama šteta od divljači u poljoprivredi, šumarstvu, vodnom gospodarstvu i akvakulturi, kontroli i suzbijanju zaraznih i parazitskih bolesti, oplemenjivanju određenih vrsta kroz selektivni i uzgojni odstrjel, brige o ugroženim vrstama, stalnom unosu fazanske i zečije divljači, vještačkom uzgoju unosu muflona i jelena lopatara, kao i brojnim aktivnostima na izgradnji lovnotehničkih i lovnouzogojnih objekata... Lov je zahvaljujući ponašanju lovaca postao sinonim za plemenit odnos prema prirodi i divljači. Jačanje kapaciteta lovstva doprinosi zaštiti okoline, održavanju šumskih komunikacija i požarnih puteva. Umiranje šuma je i umiranje čovjeka i zato je afirmisanje ekološke etike u službi budućnosti čovječanstva. Time su još značajnije obaveze nas koji se bavimo gospodarenjem ovim resursom. Lov, kao ekološki alat i tradicijska baština, ima značajan sociološki momenat u smislu jačanja civilizacijskog društvenog i zdravog života u suglasju s prirodom, kao i ljudskih vrlina poput odgovornosti, odlučnosti, discipliniranosti, ali i humanosti koja podrazumijeva i poštovanje i djelovanje u korist dobrobiti divljači, prirode i budućnosti Zemlje.“ Monografija je dostupna svim članicama Saveza u prostorijama SLD TK.

**Selver Pirić**  
Sekretar SLD TK



## Seminari Interventnog tima FBiH za nadzor nad krupnim zvijerima

Nakon što je federalni ministar poljoprivrede, vodoprivrede i šumarstva formirao Interventni tim FBiH za nadzor nad krupnim zvijerima, u cilju humane brige i dobrobiti životinja, održana su dva seminara za obuku Tima, i to u februaru u Kulen Vakufu i u oktobru na Kupresu, uz prisustvo svih članova Interventnog tima za područje Federacije BiH, koji su bili u prilici da od eminentnih stručnih predavača steknu vrijdno znanje o načinu i protokolu rada Tima. Zahvaljujući prisutnim članovima interventnih timova iz Hrvatske, Austrije, Poljske i entiteta RS u BiH, članovi Interventnog tima su upoznati s iskustvima u radu timova iz pomenutih zemalja i entiteta.

**Selver Pirić**  
Sekretar SLD TK





Savez lovačkih društava Tuzlanskog kantona

## Seminar i ispit za lovočuvare

Na osnovu ukazane potrebe članica SLD TK, u prvoj sedmici novembra, u prostorijama Saveza LD TK, održan je seminar i ispit za lovočuvare. Od 23 prijavljena kandidata ispit je položilo 19 kandidata., čime

su stručne službe lovačkih društava Tuzlanskog kantona obogaćene novim kadrovima. Bila je to prilika da se polaznici seminara upoznaju s novim znanjima, koja su im prenijeli stručni predavači.

Selver Pirić  
Sekretar SLD TK



## Kantonalna liga u streljaštvu

N Sredinom septembra, u sklopu manifestacije Dani Saveza SLD TK 2022, u povodu 27. godina postojanja i uspješnog rada SLD TK, na strelištu Stara Majevisa Tuzla, održana je tradicionalna Kantonalna liga u streljaštvu za 2022. godinu, uz učešće velikog broja ekipa i pojedinaca s područja Tuzlanskog kantona.

### Poredak ekipno:

- I LD „Tuzla“ I
- II LD „Tuzla“ I
- III LD „Majevisa“ Srebrenik

### Poredak pojedinačno:

- I Antonio Kaldrmdžić LD „Tuzla“ I

- II Toni Kovačević LD „Tuzla“ I
- II Jozo Kaldrmdžić LD „Tuzla“ I
- IV Dragan Filipović LD „Tuzla“
- V Armin Jašarević LD „Srndać“ Gračanica
- VI Amir Baraković LD „Tuzla“ II

### Poredak veterani:

- I Zoran Meh LD „Tuzla“
- II Mirsad Smajlović LD „Majevisa“ Srebrenik
- III Ambroz Josipović LD „Tuzla“ I

Nakon dodjele pehara i medalja najuspješnijim takmičarima i ekipama, nastavljeno je druženje svih takmičara uz svečani ručak u Lovачkom domu na Staroj Majevisi.

Selver Pirić  
Sekretar SLD TK



Trećeg septembra 2022., na fudbalskom stadionu „Mladost“ Tinja, Srebrenik, održana je tradicionalna manifestacija Dani Saveza SLD TK 2022. Nakon dvije godine pauze, uzrokovane pandemijom Korona virusa, SLD TK, zajedno sa domaćinom LD „Majevisa“ Srebrenik, uspješno je organizovao manifestaciju, na kojoj je radi ograničenog prostora i broja prisutnih, učestvovalo oko 2000 lovaca s područja TK i gostiju. Manifestacija je otvorena svečanim defileom članica Saveza i intoniranjem himne BiH. U ime organizatora pristupima su se obratili Edin Taletović (predsjednik LD „Majevisa“ Srebrenik), Nihad Omerović (gradonačelnik Grada Srebrenik), Mensur Alić (predsjednik SLD TK) i u ime Vlade TK Mustafa Šakić (ministar za turizam). Sufinansijeri manifestacije su bili turističke zajednice Grada Srebrenik i Tuzlanskog kantona te gradovi Srebrenik i Tuzla, dok je generalni pokrovitelj bila Vlada TK s obzirom da je ova manifestacija na spisku manifestacija od interesa za Tuzlanski kanton. Medijski pokrovitelj je bila RTV TK. U sklopu manifestacije, nakon službenog otvaranja, a prije zvaničnog početka

druženja, održana su tradicionalna takmičenja u streljaštvu (disciplina trap – kup Kantona), takmičenje u potezanju konopca, u spravljanju lovačkog gulaša (kotličijada), smotra i revija lovnih pasa, a svi su mogli pogledati i izložbu lovačkih trofeja.

### STRELJAŠTVO

#### Poredak ekipno:

- I LD „Toplica“ Živinice
- II LD „Majevisa“ Srebrenik
- III LD „Svatovac“ Lukavac

#### Poredak pojedinačno:

- I Midhat Zekić LD „Svatovac“ Lukavac
- II Armin Jašarević LD „Srndać“ Gračanica
- III Ramo Zekić LD „Svatovac“ Lukavac
- IV Emin Rizvić LD „Toplica“ Živinice
- V Elvis Džanić LD „Majevisa“ Srebrenik
- VI Izet Mehmedović LD „Spreča“ Kalesija

### Revija lovnih pasa

- I ženka, Bosanski oštrodlaki gonič-Barak, vl. Muamer Hodžić zv. Gera, LD „Tuzla“ Tuzla





II mužjak, Posavski gonič, vl. Sanel Malkočević,  
LD „Tuzla“ Tuzla

III ženka, Istarski oštrodlaki gonič, vl. Mersed  
Mujkić LD „Vjetrenik-Šibošnica“ Čelić

### Kotličijada

I 69 bodova LD „Majevisa“ Srebrenik

II 63 boda LD „Husić Mustafa Čektalo“ Sapna

III 57 bodova LD „Sokolina“ Kladanj

### Potezanje konopca

Sudio je Mensur Kurtić a učestvovalo je šest ekipa:

LD „Spreča“ Kalesija, LD „Sokolina“ Kladanj, LD

„Toplica“ Živinice, LD „Majevisa“ Srebrenik, LD  
„Srndać“ Gračanica i LD „Teočak“ Teočak.

I LD „Majevisa“ Srebrenik

II LD „Toplica“ Živinice

III LD „Sokolina“ Kladanj

Nakon svih takmičenja dodjeljeni su pehari i medalje najuspješnijim ekipama i pojedincima, nakon čega su svi uživali u druženju, u ručku kojeg je pripremila Mesna industrija „Menprom“ Gornja Tuzla.

*Selver Pirić*  
Sekretar SLD TK











## Kinološke aktivnosti SLD TK

Realizirajući Plan rada Savjeta za lovnu kinologiju, održano je 8 redovno-uzgojno-ocjenivačkih smotri lovnih pasa; dvije revijalne smotra pasa, jedna u Tuzli i druga u Srebreniku na manifestaciji Dani SLD TK, ispit u radu na ptičare u Gradačcu, ispit za krvosljednike u Tuzli. I na ovogodišnjim kinološkim manifestacijama pravo učešća su imale sve članice SLD TK. Ocijenjeno je oko 300 pasa, a nastavlja se intenzivan progres kvalitete eksterijera pasa. Svi psi su klasični primjerci svoje

rase. Ovakvo ocjenjivanje i općenito način rada je iskorijenio višegodišnju praksu križanja pasa različitih rasa. Najveću zaslugu u tom imaju vođe uzgoja, asistenti vođa uzgoja i kinološke sudije koji učestvuju u smotrama. Ovakav način rada je reguliran Ugovorom o članstvu između Bosanskog kinološkog saveza i Saveza lovačkih društava Tuzlanskog kantona, na temelju kojeg su članovi SLD TK i članovi BKS.

*Selver Pirić*  
Sekretar SLD TK





## Neke aktivnosti

# Lovačkog društva „Spreča“ Kalesija

Piše: Damir Huremović



### Zimska prihrana divljači

**P**redsjedništvo Društva (na prvoj fotografiji) veoma je aktivno u organizovanju raznih zadataka na zimskoj prihrani divljači, njenoj zaštiti

i održavanju 16 lovačkih kuća, 30 nadstrešnica, 50 visokoh čeka, velikog broja kombinovanih automatskih hranilica, solila i prihvatilišta za fazansku divljač. Oko 800 lovaca u osam sekcija u proteklom periodu je bilo veoma aktivno na unošenju fazanske divljači u loviste, unošenju zrnaste hrane i kamene soli za zimsku prihranu divljači. Kako je istakao Jusuf Selmanović, predsjednik LD „Spreča“ Kalesija, bit će to zahtjevan, kompleksan zadatak jer Društvo raspolaže s velikim brojem lovnotehničkih i uzgojnih objekata, a bogato je raznovrsnom divljači kao što je srneća, crna, zečija i fazanska, o čijoj stručnoj prihrani uveliko ovisi uspješno savremeno



gazdovanje lovištem. Dodatna prehrana divljači, kao zakonska i moralna obaveza lovaca, zahtjeva veliku pripremu pored obezbjeđivanja kukuruza, sijena i održavanja hranilišta. Uzimajući u obzir različite hranidbene navike svih vrsta lovne divljači, hranilice je potrebno ravnomjerno postaviti u lovištu čime se smanjuje grupisanje divljači na jednom prostoru, a ujedno se zbjegava prenošenje bolesti.

### Šakal s Osredka

**N**a lokalitetu Osredka, jugoistočni prelijepi dijelovi Majevice, odstrjel je bio nesvakidašnji. U oktobarskom zajedničkom lovu oko 30 lovaca iz dvije grupe Sekcije „Kalesija“, grupe Ramiza Mustafića i grupe Suada Avdića, mladi lovac Mustafa Muhamedbegović je odstrijelio šakala, koji je veoma rijetka zvijer u



kalesijskom lovištu. Posljednji šakal je odstrijeljen prije par godina u Sprečkom polju. Mustafa je inače iz porodice koja baštini dugogodišnju tradiciju lova, a svi su poznati po uspješnim lovovima, prihrani i zaštiti divljači. Po okončanju lova nastavljeno je druženje u lovačkoj kući na Osredku uz tradicionalni lovački gulaš.

### Uspješan lov vepra

**U**z dobru organizaciju i veliku pomoć obučanih lovačkih pasa, lovci Grupe „Meškovići“-LS „Rajinci“ imali su uspjeha u lovu na divlju svinju. Lov su počeli na lokalitetu Zulića kose. Psi alpinci i brakovi, posebno obučeni za lov divlje svinje, pokrenuli su vepra. Lavež je odjekivao Majevečkim vrletima. Sreća se osmjehnula



Enesu Čamdžiu, koji je odstrijelio vepra kapitalca. Bila je ovo još jedna prilika za druženje, dogovor, razmjenu lovačkog iskustva i procjenu brojnosti i kvaliteta crne divljači u lovištu, istakao je Mujo Čamdžić, grupovođa Grupe „Meškovići“. Druženje

je nastavljeno uz lovačku vatru kako bi se lov prepričao iz ugla svakog lovca.

### Suljo Selmanović odstrijelio kapitalca

**I**za članova LD „Spreča“ Kalesija još je jedna uspješna i zanimljiva lovna godina pa tako i lovci Grupe „Jajići“-LS „Kalesija“ mogu biti zadovoljni postignutim. Ističu lov kad je u rejonu Dubničko brdo mladi lovac Suljo Selmanović zv. Bake, odstrijelio vepra teškog oko 160 kg. Bake je lovac desetak godina i na najbolji način je nastavio tradiciju svoje porodice u kojoj je lov već decenijama



sastavni dio i stil života. Druženje je nastavljeno uz lovački ručak i priče. Bilo je i do sad dosta uspjeha u izlascima u lovište, ali smo prezadovoljni posljednjim odstrjelom vepra, istakao je Jusuf Selmanović, član Grupe „Jajići“ a ujedno i predsjednik LD „Spreča“ Kalesija, još rekavši da vuk kojeg je prije par godina odstrijelio Hamid Hamzić pa do vepra u zlatnoj medalji kojeg je odstrijelio Emsad Bećirbašić samo su dio visoko kvalitetnih trofeja koji krase lovački doma u Kalesiji.

## Lovačko društvo „Sokolina“ Kladanj

### Lovci spasili gljivara

**U**noći između 13. i 14. septembra, uspješno je okončana akcija spašavanja Šehić Mehe (1963.) iz Živinica. Šehić Meho je u predjelu mjesta Olovci (općina Kladanj) sakupljao gljive, zanio se u berbi i izgubio se u šumi. Po dojavu Policijskoj upravi Kladanj, zajednički, koordiniranom akcijom pripadnika PU Kladanj i članova Lovačkog društva „Sokolina“ Kladanj, u saradnji komandira Policijske stanice Kladanj, Ahmetović Amera i predsjednika LD „Sokolina“, Selimbašić Senada, organizovana je potraga, pretraživanje terena. Zahvaljujući iskustvu lovaca Sekcije „Tuholj“ i vještinama i dobrom poznavanju terena iskusnog lovca Softić Ramiza, predsjednika Sekcije „Tuholj“, pronađen je Šehić Meho. Bio

je isprljen i s manjim ozljedama, ali je kasno iza ponoći vraćen svojoj kući.

Namir Mašić





# Za jedan dan jedanaest divljih svinja



Dvadeset i treći oktobar je bio izuzetno uspješan lovni dan na teritoriji LD „Sokolina“ Kladanj. U dvije sekcije i dvije grupe, odstrijeljeno je 11 primjeraka crne divljači. U Grupi „Turalići“ strjelci su bili Bakir Hasanović, Edin Hasanović, Emrah Hasanović i Mersudin Hipo Brkić, u Sekciji „Stupari“ Fahrudin Mešanović. U Sekciji „Kladanj“ srijelac je bio Nijaz Nino Rustemović i u Grupi „Starić“ Refik Suljić i trostruki strijelac Enes Begić. Emrah Hasanović je naknadno, u drugoj hajci, odstrijelio vepra.

Namir Mašić



# Obogaćivanje lovišta unosom vještački uzgojene divljači

Već šest godina LD „Tuzla“ Tuzla pokušava oporaviti populaciju zečije divljači, odnosno povećati brojnost ove plemenite lovne divljači. Mjere koje se poduzimaju u ovom cilju su zabrana lova zeca, smanjenje broja predatora, prvenstveno lisice a u posljednje vrijeme i šakala, kao i unos vještački uzgojenih jedinki zeca. Unazad nekoliko godina u lovište Majevisa se ispušta između 30-50 jedinki zeca godišnje. Ove godine, u avgustu, nabavljeno je i ispušteno 32 jedinke zeca iz uzgajališta u Širokom Brijegu. Pušteni zečevi su starosti između 4 i 6 mjeseci, vrlo dobrog zdravstvenog stanja i kondicije. Zečevi su pušteni u dijelove lovišta gdje je zabranjen lov niske divljači i gdje zec ima najbolje uslove za opstanak.

Fazanska divljač, od strane korisnika lovišta - LD „Tuzla“, u 2022. godini, nabavljena je i puštana u lovište Majevisa u dva navrata. Prvo puštenje je bilo početkom lovne godine kad je nabavljeno i pušteno 300 jedinki matičnog jata da bi u oktobru bio pušten drugi kontingent od 300 fazana u starosti od 21 sedmicu. Oba puta fazani su nabavljeni od fazanerija „Posavska Mahala“ Odžak, vrlo dobrog kvaliteta, zdravi, uhranjeni i kondiciono spremni.

Dakle, u 2022/2023. lovnoj godini, lovci LD „Tuzla“, u lovište Majevisa su pustili 32 zeca i 600 fazana.

Seid Čorbić, dipl. ing. šumarstva



# Planinski dom „Praznitorba“

Članovi Lovačke sekcije „Husejnovići“ zalaganjem na očuvanju i izgradnji lovišta svakodnevno dokazuju da su iskreni zaljubljenici u lov i prirodu. Nadaleko su poznati po doprinosu u izgradnji mnogih projekata u Društvu „Teočak“. Tako su vlastitim radom, znatnim novčanim sredstvima i kvalitetnim građevinskim materijalom završili još jedan projekt - Planinski dom „Praznitorba“.

Dom se nalazi na prevoju Praznitorba, na 626 m nadmorske visine, 8 km udaljen od najbližeg naseljenog mjesta. Prioritet je bio saniranje puta zbog dopremanja građevinskog materijala. Za sanaciju puta kao i nadzor nad izgradnjom Doma je bio zadužen Hajrudin Imširović, kao jedan od



inicijatora ovog projekta. Dom je površine od 124 m<sup>2</sup> s prelijepim interijerom. Unutrašnjost u kombinaciji s drvetom, ima kuhinju s velikom trpezarijom, a iznad je prostor za spavanje za oko 10 osoba. Dom je izgrađen po visokim normama, na nivou turistički poznatih planinskih destinacija. U svim ovim aktivnostima istakli su se Rešid Avdić, Senad Mumbašić i Refik Muminović, koji su pored svih radnih obaveza redovno obilazili i uklanjali korov i raslinje oko Doma. Naravno svi lovci Sekcije „Husejnovići“ su dali veliki doprinos u izgradnji ovog funkcionalnog i lijepog Doma, doprinjeli bogatijem fondu lovnih objekata i zaštitili ugrožene prirode.

Muhamed Spahić

2022 Decembar Lovac 15



## Neke aktivnosti Lovačkog društva „Fazanka” Doboj Istok

### Manifestacija Otvor lova 2022/23

Osmog avgusta LD „Fazanka” Doboj Istok je održala tradicionalnu manifestaciju Otvor lova, na lokalitetu Etno selo. Kao i svake godine na manifestaciji je prisustvovalo preko 200 lovaca i mnogi dragi gosti i zvanice koji su uveličali manifestaciju. Pored druženja, takmičenja u gađanju glinenih golubova i povlačenju konopca, upriličena je i dodjela priznanja i odlikovanja. Predsjednik Društva Kemal Bratić je naglasio da Društvo



živi kroz ove manifestacije i događaje pa ćemo s njima i nastaviti. Kroz svoje obraćanje je svima zaželio puno sreće i opreza u lovu. Manifestacija je održana u odličnoj organizaciji LS „Lukavica Rijeka” čiji je predsjednik Fikret Okanović. U svrhu zasluga i u cilju stimuliranja razvoja i afirmiranja lovstva, lovačka priznanja i odlikovanja su dobili:



#### Lovačka bronzana značka:

Junuzović Aldin, Husaković Elmin, Karić Rudbil, Vehabović Ferid, Mešić Jasmin i Babić Asmir.

#### Lovačka srebrna značka:

Škrebo Bećir, Hodžić Refik, Okanović Zedin, Suljkanović Almir, Hodžić Smajil i Sinanović Nermin.

#### Lovačka zlatna značka:

Smajić Refik, Junuzović Semir, Hrnjičić Amir, Šuvalić Ahmet, Okanović Fikret, Mujakić Ramiz i Hasančević Zikret.

#### Lovačka diploma počasnog člana:

Delić Džafer, Kantić Amir, Karavdić Muhamed, Dautović Mustafa, Mujić Enver i Omerčić Jasmin.

#### Plaketa SLD TK:

Haris Škrebo, Buljić Sedin, Dautović Sedin, Alihodžić Hajrudin i Bratić Kemal.

### Odstrjel vepra kapitalca



Dvadeset i trećeg oktobra, u jutarnjim satima, na lokalitetu Stijena MZ Brijesnica Mala, lovci Sekciji „Mala Brijesnica“ odstrijelili su vepra kapitalca, teškog cca 200 kg. Spretan, siguran i precizan strijelac je bio Mirudin Subašić. Pomoć u potjeri vepra je dao i lovački pas Cigo, goneći vepra u pravcu lovca Subašića.

### Dan izletišta Gaj

Tridesetog oktobra, nakon lovačkih aktivnosti, članovi Sekcije „Klokotnica“ su se okupili na izletištu Gaj u MZ Klokotnica da bi obilježili Dan ovog izletišta, na kojem su



nedavno izgradili nadstrešnicu. Nakon intoniranja BiH himne, počasne salve, druženja, lovci su izletište Gaj očistili od smeća i rastinja i time doprinjeli ljepoti i čistoti ovdašnje prirode, ali i dali pozitivan primjer ostalim građanima kako treba njegovati, baštiniti zavičaj, kako se treba odnositi prema prirodnim ljepotama rodnog kraja.

*Admir Šišić*

*Sekretar LD „Fazanka” Doboj Istok*





## Neke aktivnosti Lovačkog društva „Zelemboj“ Banovići

### Uvedeno grijanje u lovačkom domu

U vezi Projekta Unapređenje lovnotehničkih objekata kojeg je LD „Zelemboj“ Banovići realizovalo s Upravom za šumarstvo TK, Društvo je uradilo grijanje u za kompletno prizemlje u lovačkom domu. Radijatori su postavljeni u sali, kuhinji, separeu, hodniku i mokrim čvorovima. Također, kupljen je i instaliran kotao na električno grijanje. Sve radove na instaliranju i postavljanju je obavio, bez naknade, počasni član Brkić Ramiz. Lovci Društva će u vrijeme zimskih dana lova imati ugodno druženje u toplim prostorijama lovačkog doma.



### Uraden krov na hladnjači

Po nalogu Federalne veterinarske inspekcije, u sklopu Projekta Unapređenje lovnotehničkih objekata, Društvo je nabavilo hladnjaču sa sabiralištem za uzimanje uzoraka mesa od divljači.



18 Lovac Decembar 2022

Kupljena je od firme „Ordagić“ doo Srebrenik i postavljena je uz lovački dom, a prethodno je izlivena betonska ploča na koju je postavljena hladnjača. Izvršena je popravka i prekrivanje krova limom. Također, urađeni su i stubovi na koje je postavljen krov za hladnjaču. Krov je od drveta pa je prekriven limom.

### Sanirana lovačka kuća „Borac“

U sklopu Projekta Unapređenje lovnotehničkih objekata, Društvo je pokrilo limom lovačku kuću „Borac“ u Bošnjevcu. Naime, ovu lovačku kuću su lovci bukvalno spasili jer je krov prokišnjavao pa je cijeli objekt propadao. Pored pokrivanja krova sa limom, sanarane su ili zamijenjene greda i letve. Na lokalitetu lovačka kuće je urađena i Hajr voda u spomen na rahmetli lovce Beganović Seada, Oručević Osmana i Lisičić Nezira. Tu je i ljetnikovac za odmor koji je urađen 2020. godine za smještaj oko 40 osoba. Ovaj zajednički kompleks objekata s vodom za piće predstavlja prelijepo mjesto za druženje i odmor lovaca, planinara i drugih prijatelja prirode. Na fotografiji su članovi Komisije Ministarstva poljoprivrede, vodoprivrede i šumarstva TK, na čelu sa Arapčić Amirom, koja je



obišla objekte radi namjenske realizacije i utroška sredstava po projektu.

### Pošumljavanje goleti



Lovci LD „Zelemboj“ Banovići, po pozivu Šumarije Banovići, 22. oktobra su sproveli akciju pošumljavanja goleti u naselju Repnik na lokalitetu Kazani. Oko 40 lovaca je zasadilo oko 2000 sadnica i na taj način ukazali na zrelu i visoku ekološku svijest lovačke populacije.

### Ocjena lovačkih trofeja

Komisija za ocjenu lovačkih trofeja divljači, 27. oktobra je ocjenila trofeja od srneće divljači. Komisija u sastavu Rahmanović Mevludin, predsjednik i članovi Abdulahović Damir, Omerović Ismil, Hadžić Mevludin i glavni



lovovđa Duštva Delić Adlel, ustanovili su da je veoma slaba trofejna vrijednost diljači, tako da lovci ubuduće trebaju da vode računa o odstrjelu zrelih grla, srndaća šestoj i sedmoj godini starosti.

### Edukacija lovaca

S obzirom da su u posljednje vrijeme evidentni razni propusti, odnosno nesporazumi u vezi zamjene oružanih listova i drugih nenamjernih



grešaka u primjeni Zakona o držanju i nošenju oružja TK, Upravni Odbor LD „Zelemboj“ Banovići je donio Odluku da pozove radnika iz Policijske uprave Banovići da održi predavanje za mlađe lovce u vezi ove aktuelne teme. Službenik za izdavanje oružanih listova iz Policijske uprave Banovići, Glibanović Sakib, odazvao se pozivu i krajem oktobra je održao predavanje u lovačkom domu Društva. Predavanje je bilo veoma edukativno, a kroz postavljena pitanja od strane lovaca prevaziđene su razne nejasnoće u vezi prava i obaveza nositelja oružja.

### Izrada hranilišta i solila

Prije otvaranja lova na srneću divljač lovci LD „Zelemboj“ Banovići su popravili stara i izradili nova hranilišta i solila za srneću divljač. U svemu tome je prednjačio Lugavić Nihad, lovac iz Sekcije „Brezovača“, koji je izradio i popravio veliki broj solila i hranilišta. Sve ih je popunio s kamenom soli, odnosno kukuruzom i sijenom. Lovac Lugavić, iako veoma mlad, vrlo brzo je shvatio pravu svrhu lova, nastojeći da redovno čuva, uzgaja i prihranjuje divljač.

**Mihret Herić**  
Sekretar LD „Zelemboj“ Banovići



2022 Decembar Lovac 19





Lovačko društvo „Jelen“ Gradačac  
Obogatili lovište fazanima

Lovci Sekcije „Varoš“ vlastitim sredstvima su kupili fazansku divljač, a prethodno su Husein Šišić, predsjednik Sekcije, Edvin Gibić, član Skupštine, Mustafa Terzić i Damir Huseljić (na prvoj fotografiji sa lijeva na desno) izgradili volijeru u koju su unijeli fazane. Čuvali su ih od grabežljivaca, a cilj im je bio da podivljaju prije nego su ih pustili u lovište.

I lovci Sekcije „Mionica-Tramošnice“ su vlastitim sredstvima kupili fazansku divljač, 100 komada u starosti od 6 nedjelja. Držali su ih u svojoj volijeri gdje su ojačali prije puštanja u lovište na početku sezone. Na fotografiji su donatori finansijskih sredstava Amil Hećimović i Edin Bristrić. Sa donatorima su u stalnoj saradnji u ovim aktivnostima bili Kemal Čolić zv. Karilja i Midhat Hećimović, prekaljeni lovac.

Fahrudin Gromić



Lovačko društvo „Jelen“ Gradačac  
Remiza sa hranilicama

Parcelu u vlasništvu Subašić Bajre lovci Sekcije „Međida Gornja“ su pretvorili u remizu za divljač. Vlasnik je i finansirao a Durmišević Ago uzorao i zasijao kukuruzom. Osim toga, uz remizu su dvije hranilice, jedna automatska za kukuruz u zrnju, a druga za kukuruz u klipju. Hranilice i solila dopunjava zamjenik predsjednika Sekcije Hasić Taib, više puta nagrađivani lovac jer je prvi kada je u pitanju rad u lovištu, a u posljednje vrijeme i što se tiče aktivnosti na renoviranju lovačke kuće koju je Sekcija kupila.

Bajro Subašić



## Lovačko društvo „Tuzla“ Tuzla

### Učešće LD „Tuzla“ u manifestaciji Dani oslobođenja Tuzle

Grad Tuzla tradicionalno, svake godine, organizuje manifestaciju Dani oslobođenja Tuzle, u znak sjećanja na 2. oktobar 1943. godine, datum prvog oslobođenja Tuzle u II svjetskom ratu, kad je bila najveći oslobođeni grad u porobljenoj Evropi. Ove godine, u sklopu ove manifestacije, 1. oktobra je upriličeno svečano otvaranje novoobnovljenog izletišta na Ilinčici, omiljenog izletišta građana Tuzle. Tim povodom, na poziv Turističke zajednice Grada Tuzla i Centra za kulturu, svoje učešće u manifestaciji je sa zadovoljstvom, kao društveno odgovorna organizacija, uzelo i



Lovačko društvo „Tuzla“. Za tu priliku Društvo je izložilo jedan dio svoje respektabilne kolekcije lovačkih trofeja, većinom lovne divljači koja obitava na našim prostorima te pripremlilo i svim gostima i posjetiocima (nekoliko stotina) podijelilo lovački gulaš i grah. Iz razgovora sa njima očito je bilo njihovo oduševljenje i zadovoljstvo prikazanim lovačkim trofejima i kulinarskim umijećem naših lovaca. Svoje zadovoljstvo nije krio ni gradonačelnik Grada Tuzla, Jasmin Imamović, koji se biranim riječima zahvalio Društvu, odnosno njegovim članovima. Nesebičan doprinos organizaciji i realizaciji ovog događaja, ispred Društva, dali su Siniša Vareškić i Seid Čorbić (predsjednik i zamjenik predsjednika Upravnog odbora), Mirza Šljivić (glavni lovovođa) kao i članovi, ujedno i ocjenjivači lovačkih trofeja, Nikola Kovačević, Antonio Matanović i Jasmin Musić. Treba istaći i lovca, kulinarskog umjetnika, Ekrema Duranovića Durija, koji je izvrsno pripremio lovačke specijalitete. Bila je ovo prilika da Lovačko društvo „Tuzla“ promoviše i građanima približi značaj lovstva kao djelatnost od javnog interesa, a spremno je da se i ubuduće odazove na ovakve i slične manifestacije.

Jasmin Musić





## Vrstan lovac u svakom pogledu

Pedesetogodišnji Mustafa Fatmić iz Džakula, član Sekcije „Džakule“, vrijedan je i aktivan u svakom pogledu kad su lovačke aktivnosti u pitanju. Sredinom septembra, u organiziranom lovu radi smanjenja šteta na usjevima, odstrijelio je dobar primjerak divlje svinje. Mjesec dana ranije je odstrijelio srndaća, a u januaru prošle godine ulovio je dva vepra. U Mustafinoj bogatoj lovačkoj zbirci trofeja su i ostale vrste divljači.

Fikret Ahmetbašić



## Lovačko društvo „Toplica“ Živinice

### Izuzetno uspješan lovni dan

Krajem novembra, na lokaciji Dubravsko polje, lovci Sekcije „Dubrave“ su odstrijelili šest divljih svinja.

Huska Konjević



## Lovačko društvo „Toplica“ Živinice

### Dobro druženje uz dobar ulov

Krajem novembra, na lokacijama Berbenjak i Krivača, lovci Sekcije „Svojat-Bašigovci“ su odstrijelili dva odlična primjerka crne divljači. Strijelci su bili Hajrudin Konjević i Enes Halilović

Huska Konjević



## Lovačko društvo „Toplica“ Živinice

### Druženje sa lovcima iz Kamenice

Krajem novembra, u rejonu Gradina, lovci Sekcije „Svojat-Bašigovci“, sa gostima iz Kamenice kod Zvornika, odstrijelili su dobar primjerak divlje svinje. Strijelac je bio Halil Đogić.

Huska Konjević



## IN MEMORIAM



Bešliagić (Muharem) Ahmed  
(1940.-2022.)

U 83 godini života napustio nas je naš Ahmed, naš Djed kako smo ga zvali od milja i iz poštovanja. Potiče iz tuzlanske porodice s dugom lovačkom tradicijom. Prva lovačka iskustva je stekao kao dijete uz svog rahmetli oca, čuvenog lovca Muharema Bešliagića. Djed je doajen LD „Tuzla“. Njegov lovački staž seže od 1962. godine, a četiri generacije lovaca je u porodici Bešliagić, otac Muharem, Ahmed, Ahmedov sin Muris i unuk Emir.

Ahmed je cijeli život proveo u prirodi, u lovu, uživajući u blagotima prirode i lovačkog druženja. U časopisu Lovac su objavljene njegove lovačke priče, sjećanja, njegova edukativna lovačka iskustva. Lovac, pričao je Ahmed, ne može biti svako. S tim zovom ljubavi prema prirodi i divljači čovjek se rađa. Nije lovio, nego je uzgajao divljač i na takav način je iskazivao plemenitost i poštovanje prema prirodi. Lov mu je značio gotovo sve, volio je učiti od starijih lovaca i podučavati mlade kolege. Nemjerljiv je njegov doprinos u obučavanju i osposobljavanju nekoliko generacija mladih lovaca. Bio je vrstan i ugledan kinolog, jedan je od najzaslužnijih u Tuzli i BiH za razvoj kinologije, s akcentom na trobojnog goniča, a uživao je u uzgoju autohtonih lovačkih pasa. Djed je jedan od osnivača Kinološkog saveza BiH, a upravo zahvaljujući njemu kinologija je stasala u ozbiljnu organizaciju u BiH, čiji je bio član Predsjedništva. Kao neko ko je u velikoj mjeri doprinio unapređenju lovstva, nosilac je najviših priznanja i odlikovanja LD „Tuzla“, SLD TK i Kinološkog saveza BiH. Ahmedov vedri duh i pozitivnost pomogli su mu da pobijedi tri infarkta i pet moždanih udara, a više od 10 godina je prkosio dijabetesu. Vedrog, druželjubivog, uzornog i plemenitog ćemo ga uvijek pamtiti. Neka mu je rahmet.

LD „Tuzla“ Tuzla



Čehajić (Husejn) Rifat  
(1938.-2022.)

U 84 godini života napustio nas je naš Rifat, uzoran, aktivan i druželjubiv počasni lovac. Izgubili smo velikog ljubitelja prirode, divljači i druženja, koji će svima ostati u trajnom sjećanju, posebno lovcima Sekcije „Šiški Brod“ čiji je bio dugogodišnji član. Neka mu je rahmet.

LD „Tuzla“ Tuzla



Hamzić (Mustafa) Vehid  
(1940.-2022.)

Vehid je bio aktivni član Društva od 1978. godine. Dobitnik je mnogih lovačkih priznanja i odlikovanja. Za izuzetan doprinos razvoju kalesijskog lovstva 2009. godine je dobio diplomu počasnog člana. Ostali smo bez vrijednog, uzornog, dobrog čovjeka i lovca. Neka mu je rahmet.

LD „Spreča“ Kalesija



Lović (Said) Fikret  
(1956.-2022.)

LD „Spreča“ Kalesija je ostalo bez uglednog lovca, privrednika i čovjeka. Gubitak je to i za općinu Kalesija i za cijelo bh društvo. Kao član Društva od 2004. godine dao je nemjerljiv doprinos razvoju kalesijskog lovstva. Svi smo ostali bez velikog prijatelja i istinskog zaljubljenika u prirodu. Neka mu je rahmet.

LD „Spreča“ Kalesija



Zahirović (Meho) Salih  
(1944.-2022.)

U 78 godini života napustio nas je naš Salih, primjeran počasni lovac Sekcije „Šiški Brod“. Kao veliki poštivalac prirode i lovstva, kao neko ko je lovačke dužnosti obavljao časno, s mnogo ljubavi i odgovorno, ostat će nam u trajnom sjećanju. Neka mu je rahmet.

LD „Tuzla“ Tuzla



Šarić (Pašan) Himzo  
(1954.-2011.)

U novembru se navršilo 11 godina od smrti našeg dragog prijatelja Himze, lovca LD „Sokolina“ Kladanj, Sekcija „Tuholj“, kojeg se s ponosom spominju svi koji su lovili sa njim. Zbog njegovih ljudskih i lovačkih vrlina i lovačka kuća se zove „Šarić Himzo“, locirana na Raskršću, prelijepa i funkcionalna, pogodna za odmor i lovačaka druženja na kojima ćemo se prisjećati lovovanja sa uzoritim Himzom. Neka mu je rahmet.

LD „Sokolina“ Kladanj



Mešanović Salih  
(1948.-2022.)

Salih je bio član Društva od 1987. godine. Svoje lovačko iskustvo je nesebično prenosio na mlade lovce Sekcije „Tojšići“. Za svoj doprinos razvoju lovstva odobitnik je svih lovačkih priznanja i odlikovanja. Godine 2015. dobio je diplomu počasnog člana. Trajno ćemo se sjećati ovelikog čovjeka, lovca, ljubitelja prirode i zaštitnika divljači. Neka mu je rahmet.

LD „Spreča“ Kalesija



